

八旗通志初集卷之二百十五

勲臣傳十五

鑲黃旗蒙古世職官

多鐸和

曾孫常祿

阿育習

額對

克什圖

弟之子那木岱

庫色

袞處思

蘇班岱

補勒

奇拜博勒

海色

明安阿爾賽

拜思噶爾

吳塔齊

滿篤

從弟馬祿

卓爾斌

德根

額森

子拜海

鍾農

兄顧美

必達喇納

祁棠阿

噶穆

畢爾注海

馬齊克圖

吳濟思虎楞

鎖柱

叟色

班布敦

齊戚克

花色

查穆素

錫爾扣

隆古

見名臣綽爾門傳

篤爾馬

見忠烈三晉傳

阿喇納

見忠烈扈衛牙喇傳

瓦哈納

見忠烈尼哈里傳

邁圖

見忠烈苟色傳

正黃旗蒙古世職官

訥門

巴寨朱爾奇泰

阿爾薩朗

昂愛

博羅兌

子騰格忒

布雅泰

巴圖

叔父之子卜爾機代

諾木圖位徵轄

昂阿

額爾代

俄爾哲

阿閔

諾敏

巴達

子巴他瑪石

亥色

郭退

巴大可

魁白

釋雷

公伊

納特德
吳蘭代

納木賽

子色冷
爾追

朱順

公格

子布顏圖
齊查海

扎薩克圖

肯哲

龔顧珥

子五十一

遼東

莫都圖爾布深

費養固

薄退

托克托和

達賴

貴石

扎穆素

德克德爾塔理班達

阿爾善

毛坤

安泰

色勒母素

沙里代

見名臣羅理傳

巴朗

見名臣阿代傳下同

陀泮

拖克塔哈爾

見名臣俄本岱傳

鄂賴

見名臣沙思塔理傳

廣西

見名臣博爾和對

長壽

見忠烈阿布圖傳

正白旗蒙古世職官

阿蘭

馬希

噶尼巴圖魯

噶爾馬士

武格色巴圖魯

蘇祿克

與那噶爾

德穆圖

博敦

沙吉

索禮

白希巴圖魯

拜音圖

克舍

黑碩色

阿必達

梁格

巴雅爾

巴爾達呼

巴達克

阿玉璽

邁圖

都客

見各臣明安達理傳

班佳爾

見忠烈孟色爾傳

多鐸和蒙古鑲黃旗人。姓博爾濟吉特氏。世居扎魯特地方。初任牛錄章京。往烏闐拜新地方駐防。生擒敵哨騎一人。遇阿爾撒蘭所敗之兵。奮勇先進。斬二人。天聰二年。隨大兵往掠明錦州。獲馬一千匹。又斬一人。崇德五年。征明。圍錦州。有松山步兵來戰。率本甲喇兵敗之。又擊敗杏山馬兵。七年。圍錦州。隨兩班兵會合左翼三固山兵。擊松山馬兵。敗之。又擊明經畧洪承疇三營步兵時。能不違指授。擊敗其衆。又有錦州馬步兵來犯。我正黃旗汎地。奮勇往援。殺入敵

陣敗之。復同阿桑希挖小濠困錦州。忽城內馬步兵齊出。各執挨牌直犯我營。卽同阿桑希奮勇擊敗之。以善戰有功。授牛条章京世職。又從征薩哈連烏喇。生獲丁壯四十五人。順治元年。隨大兵破流賊。平定河南。追流賊至潼關。賊以馬步兵來犯。同梅勒章京賴護擊敗之。賊夜犯我營。復擊却之。又戰於潼關。同固山額真恩格圖殿後。有賊來犯。同趙布泰率本甲喇一半兵回擊。敗其衆。又有潼關流賊三次來犯。並擊敗之。二年。隨貝勒博洛往征杭州府。僞王總兵苗

總兵等以三千衆迎戰。同宜爾都齊等擊敗之。
三年五月。隨豫親王多鐸擊騰機思。敗。土謝圖
汗兵。又敗碩雷汗之兵。加半箇前程。七年

恩詔。加授三等阿達哈哈番。九年。二次

恩詔。加至一等阿達哈哈番。卒。以其子石達承襲。康熙
二十年。石達卒。子佳良襲。四十九年。佳良卒。銷
去

恩詔所得。以其子常祿降襲。拜他喇布勒哈番。又一拖
沙喇哈番。尋管佐領。累陞至副都統。雍正七年。
從征北路。九年。在和通胡爾哈諾爾地方。遇賊。

來犯。力戰陣亡。卹授拜他喇布勒哈番。以其弟之子文殊保承襲。

阿育習蒙古鑲黃旗人。姓吳朗哈氏。世居邁勒羅豁地方。原係喀爾沁大臣之裔。

國初有蘇布第領衆塔布囊投降。阿育習亦率丁壯一百七十人來歸。仍令管喀爾沁牛衆。卽授以遊擊世職。天聰三年。大兵征明北京。率本甲喇兵同固山額真吳賴敗明蘆溝橋兵。南至涿州。城內兵出戰。復率每牛衆甲士敗之。崇德三年。從征山東。明侯總兵來戰。亦率本甲喇兵擊

敗之。又同梅勒章京席喇率擺牙喇守青州山口。與明兵相拒。晝夜五年。大兵征明。圍錦州。擊松山兵。敗之。順治元年。從睿王多爾袞入山海關。擊流賊。又追流賊至慶都縣。二年。敘功。由三等甲喇章京。加爲一等甲喇章京。七年。

恩詔加一拖沙喇哈番。九年。二次。

恩詔。加至二等阿思哈尼哈番。卒。以其子達都承襲。

額對蒙古鑲黃旗人。姓搏和羅特氏。世居扎魯特地方。崇德三年。從大兵征明。攻安肅縣。繼海色以第二人登城。因授半箇前程。六年。團錦州。

擊敗敵人鎗柵步營。八年。征羽山東。旋師出邊。時敵兵來追。同肅章京鰲拜巴圖魯回擊敗之。又從大兵征山東。用雲梯攻克州府。繼路什以第四人登城克之。加授三等甲喇章京。

賜巴圖魯名。順治元年。隨睿王多爾袞入關。敗流賊。又追至慶都縣。聞馬山口有土賊。率師往擊。土賊來犯我營。仍擊敗之。加世職爲二等甲喇章京。七年。

恩詔加爲一等阿達哈哈番。九年。二次

恩詔。加至三等阿思哈尼哈番。卒。以其子朱馬喇承襲。

克什圖蒙古鑲黃旗人。姓西喇氏。世居科爾沁地方。初任牛錄章京。崇德三年。從大兵征明。至山東。遇明馮太監及侯總兵統兵來戰。並擊敗之。至濰縣。用雲梯克其城。論功授半箇前程。尋任戶部員外郎。七年考績。加世職爲牛錄章京。順治元年。隨睿王多爾袞入山海關。擊敗流寇。又隨英親王阿濟格追流寇。至慶都縣。復敗之。加世職半箇前程。卒。以弟之子那木岱承襲。那木岱父曰克什特。見忠烈傳。那木岱早從征伐。初襲伯父克什圖牛錄章京。兼半箇前程世職。

順治五年。從征南大將軍譚泰。征江西叛鎮金聲桓。聲桓同其黨僞建武侯王得仁。以水師三百艘來犯。率本固山兵。隨大兵擊敗之。旋據守南昌府東江。又率本固山兵。擊敗僞總兵賊船二百隻。金聲桓王得仁。復率馬步兵來犯。正紅旗所守濠塹。同吳沙擊敗之。南昌府近地有賊高總兵。率兵三千來戰。復率本固山兵。擊敗其衆。適城內有馬兵突出。攻我守濠塹兵。遂同羅什率兵擊走之。又用雲梯攻南昌府。督兵先登克之。七年。

恩詔加三等阿達哈哈番。復叙前功。加爲一等。九年二

次

恩詔。加至三等阿思哈尼哈番。

庫色蒙古鑲黃旗人。姓圖克齊納喇氏。世居羅
豁郭爾地方。崇德三年。隨貝勒杜度。征明。至山
東。用雲梯攻恩縣。繼滿錦登城。克之。以功授半
箇前程。七年。

恩詔加授爲拜他喇布勒哈番。九年。二次

恩詔。加至三等阿達哈哈番。康熙十三年致仕。以其子

巴牙薩胡朗承襲。

袁處思蒙古鑲黃旗人。姓吳朗哈氏。世居克西克騰地方。崇德三年。以廢官從貝勒岳託。征明擊通州兵。敗之。出邊時。防守董家口。有陳總兵來追。同鄂莫克圖。擊敗其衆。五年。隨征明。圍錦州。同左翼兵。擊明錦州兵。有正藍旗一壯尼大墜馬。挺身直入敵陣。救出之。旋擊敗明松山步兵。及杏山馬兵。七年。大兵圍錦州時。率本甲喇兵。擊敗明松山馬步兵。又與明經畧洪承疇。三營兵戰。敗之。八年六月。隨貝勒阿巴泰。征明。至山東。破明八鎮總兵。又敗其范軍門。吳總兵。並

在事有功。大捷凱旋。議敘授半箇前程。又賞銀四十兩。順治七年。

恩詔加授世職爲拜他喇布勒哈番。九年。二次恩詔加至三等阿達哈哈番。

蘇班岱蒙古鑲黃旗人。姓多羅科氏。世居義州地方。崇德五年。我兵於義州修城屯田。進取錦州。蘇班岱卽從杏山臺上。密遣人來約我兵往攻。比大兵至。卽生擒臺上五人。率戶口三十五人來歸。因授三等甲喇章京世職。順治元年。隨睿王多爾袞入山海關。擊流賊。又同固山額眞